

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ՆԻՍՏ ՄԱՅՐ ԱԹՈՌ Ս. ԷԶՄԻԱՇՆՈՒՄ

Սույն թվականի սեպտեմբերի 4-ին, ժամը 18.00-ին, Վեհաբանի պատկերասրահի դահլիճում տեղի ունեցավ Գերագույն Հոգևոր հորհրդի Ե ժողովը՝ Ամենայն Հայոց Կաթողիկոսի նախագահությամբ:

Ժողովին մասնակցում էին Գերագույն Հոգևոր հորհրդի հետևյալ անդամները. Տ. Զավեն Արքեպ. Չինչիյան, Տ. Վաչե Արքեպ. Հովսեփյան, Տ. Գյուտ Արքեպ. Նազգնւշյան, Տ. Գևորգ Արքեպ. Սերայդարյան, Տ. Ներսես Արքեպ. Պոպապալյան, Տ. Աղան Արքեպ. Պալիոպյան, Տ. Գրիգորիս Արքեպ. Բունիաթյան, Տ. Խաժակ Արքեպ. Պարսամյան, Տ. Ասողիկ Եպս. Արիստակեսյան, Տ. Պարզև Եպս. Մարտիրոսյան, Տ. Գիսակ Եպս. Մուրադյան, Տ. Աբրահամ Վրդ. Մկրտչյան, տիար Հակոբ Փափալյան, պրոֆ. Պիոն Հակոբյան, ժող. նկարիչ, ակադ. Գրիգոր Խանջրյան, պրոֆ. Ռաֆայել Պապայան, պրոֆ. Վլադիմիր Բարխուդարյան:

Առողջական վիճակի պատճառով ժողովին չէր մասնակցում Կ. Պոլսի Պատրիարք Ամենապատիվ Տ. Գարեգին Արքեպս. Գալանձյանը, որի փոխարեն հաջորդ օրը ժողովին մասնակցեց Կ. Պոլսից ժամանած Տ. Շահան Արքեպս. Սվաճյանը: Երուսաղեմի Պատրիարք Ամենապատիվ Տ. Թորգոմ Արքեպս. Մանուկյանը ևս հաջորդ օրը ժամանեց Մայր Աթոռ:

Խմբովին ասված «Տերունական աղոթք»-ից հետո, սկսվեց ԳՀԽ-ի Ե ժողովի Ա նիստը՝ օրակարգում ունենալով հետևյալ հարցերը.

1. Չեկույց Վեհափառ Հայրապետի կողմից Մայր Աթոռի ներքին գործունեության և վանական կյանքի մասին:

2. Նոր թեմերի ստեղծում Հայաստանում:

3. Կրոնական խղճի ապատության մասին օրենքի քննարկում:

4. Հայաստանում քրիստոնեության 1700-ամյակի տոնակատարության նախապատրաստության աշխատանքներ:

5. Ազգային Եկեղեցու սահմանադրության մշակման հարց:

6. Հարաբերություններ Մեծի Տանն Կիլիկիո Կաթողիկոսության հետ:

7. Այլազան հարցեր:

8. Ամփոփ վեկույց Մայր Աթոռի տնտեսական կացության մասին:

Ապա ժողովականներին Մայր Աթոռում հավաքվելու առթիվ ողջունեց և ժողովի բացման խոսք ասաց Վեհափառ Հայրապետը:

Իր խոսքում Վեհափառ Հայրապետը նախ նշեց, որ, ի տարբերություն նախորդ ժողովների, այս անգամվա հավաքը կապված է Մյուռոն-օրհնության և երջանկահիշատակ հորեն Կաթողիկոսի աճյունները Ա.

Գայանե վանքից Մայր տաճարի բակ տեղափոխելու հետ: Ապա Վեհափառը բարձր գնահատեց ժողովրդի կապվածությունը Մայր Աթոռին, որ այս երկու պատմական դեպքերի կապակցությամբ տարբեր երկրներին ու Հայաստանից խմբերով Մար Աթոռ են այցելում:

Անդրադառնալով Մայր Աթոռի գործունեությանն ու վանական կյանքին՝ Վեհափառ Հայրապետն ասաց, որ նոր ձեռնադրություններով համայրվել է Մայր Աթոռի միաբանությունը, նոր շունչ և ընդգրկում է հաղորդվում կրոնական դաստիարակությանը: Վերջինիս առավել և արդյունալից ծավալմանը մեծապես կնպաստի Մայր Աթոռի տպարանի տեխնիկական վերափնտմը: Մեծ ծավալի շինարարական աշխատանքներ են կատարվել թե՛ Մայր Աթոռի տարածքում և թե՛ Հայաստանյան նորակապ մերքին թեմերում:

1700-ամյակի հանդիսություններն ու ծրագրերը հստակեցնելու համար գործադիր մարմինը երեք նիստ է գումարել, ինչպես նաև որպես գործադիր մարմնի ղեկավար Մայր Աթոռ է հրավիրվել Մեսրոպ Արքեպ. Աշճյալը:

Վեհափառ Հայրապետը պատմեց նաև տրված հովվապետական այցելությունների և միջեկեղեցական հանդիպումների մասին:

Գերագույն Հոգևոր Խորհրդի անդամ և Ազգային Ժողովի մշակութի և կրթության հանձնաժողովի նախագահ Ռաֆայել Պապայանը ներկայացրեց խղճի ապատության մասին գործող օրենքը և նրանում Ազգային Ժողովի կողմից փոփոխություններ կատարելու նախագիծը: Այս հարցի շուրջը ծավալված քննարկումն ամփոփելով՝ Վեհափառ Տերն ասաց, որ կատեղծի համապատասխան հանձնախումբ, որն այլ երկրներում գործող օրենքների ուսումնասիրմամբ և հաշվառմամբ Ազգային Ժողովում օրինագծի քննարկմանը կներկայացնի Եկեղեցու առաջարկությունները:


Միաժամանակ բոլոր ժողովականների կողմից պրն. Պապայանի ներկայացրած բարեփոխությունները նկատվեցին դրական նոր քայլ՝ պետություն-Եկեղեցի հարաբերություններում:

ՀԱՅԱՍՏԱՆՈՒՄ ՔՐԻՍՏՈՆԵՈՒԹՅԱՆ 1700-ԱՄՅԱԿԻ ՏՈՆԱԿԱՏԱՐՈՒԹՅՈՒՆ

Այս հարցի վերաբերյալ Վեհափառ Հայրապետը նշեց չորս հիմնական բնագավառ, ուր աշխատանքներ պիտի տարվեն.

1. Եկեղեցիների վերականգնում
2. Ուխտագնացություններ
3. Հրատարակչություններ
4. Երևանի Մայր տաճարի կառուցում:

1. Պատմական եկեղեցիների վերականգնման համար պետական հանձնախմբերի կողմից նախատեսվել էր 40 եկեղեցի: Հանդիպում եղավ այդ հանձնախմբի ու թեմակալ առաջնորդների հետ, քննվեց և ճշտվեց վերականգնվող եկեղեցիների ցանկը. շուտով կսկսվեն նորոգությունները:



2. 1700-ամյակի առթիվ նոր հրատարակություններ պետք է արվեն. ինչպես որ այլ եկեղեցիների պատմությունն ու հոգևոր ժառանգությունը և մշակույթը նման առիթներով հրատարակությունների միջոցով ներկայացվում են ինչպես իրենց ժողովրդին, այնպես էլ աշխարհում:

3. Թեմերում ևս պետք է կազմվեն հանձնախմբեր՝ ուխտագնացությունները կազմակերպելու համար:

4. Երևանի Տաճարի կառուցումը պետք է անմիջապես սկսել, քանզի Մանուկյան գերդաստանը հոգաց ծախսերը, սակայն ժողովուրդը ևս պիտի մասնակցի, որովհետև պահանջվող գումարը կարող է 10-11 միլիոն դոլլարի հասնել:

Պարոնայք Փափապյանը, Խանջյանը և Շահան Արբապանը առաջարկեցին ուխտագնացություն կազմակերպել Թադևի վանք, ուշադրություն դարձնել խոր Վիրապի շրջակայքի բարեկարգմանը և արտասահմանում ևս հանձնախումբ կազմել՝ Երևանի Տաճարի շինության համար հանգանակություններ անելու:

Այնուհետև քննարկվեցին Ավգային եկեղեցու սահմանադրության մշակման, Մեծի Տանն Կիլիկիո կաթողիկոսության հետ հարաբերությունների և Մայր Աթոռի տնտեսական կացությանը վերաբերող հարցերը:

Մեպտեմբերի 5-ի երեկոյան ժամը 18-ին խմբովին ասված աղոթքով ավարտվեց Գերագույն Հոգևոր խորհրդի Ե ժողովը:

